

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Speculum humanae salvationis - Cod. Karlsruhe 3378**

**BGV Badische Versicherungen**

**Ostmitteldeutschland, [Mitte 14. Jh.]**

Das Jüngste Gericht

[urn:nbn:de:bsz:31-1732](https://nbn-resolving.org/urn:nbn:de:bsz:31-1732)



**D**i unbartheit des gerichtes mac man schreiben  
**D**a man liest von den fünf weisen mit Frauen  
**S**i yn wolden den toechten wes ales nicht geben  
**A**ls sal is auch gan in geme leben  
**D**a yn ist heyn ale der bartheit  
**V**nde den heiligen is der bosen vortümme nicht leit  
**D**i weisen schymphen auch di toren an  
**V**nde hizen si zu den kouf luten gan  
**A**lso fallen di heiligen di bosen zu spotte han  
**V**nde sprechen zu yn wenne si do betrub stan  
**I**r hat verkoufet des ewigen riches wunne  
**V**nde habet si gegeben um di unreine sunde sonde  
**I**r gebet vwer gute werk vnnie der werlte preis  
**I**r wet si ob ir do woret wis  
**D**o di toren an den weisen vunden heyne bartheit  
**D**o blaseten si dem brudegum ir herze leit  
**H**er sprach ich yn kenne vwer nicht  
**I**r yn habet mit mir heyne phlicht  
**A**lso sal is auch gan an dem nigsten tage  
**S**o yn vunden di sunderen nigen heyne suade  
**D**az gericht was auch vor bewiset an eyner haut  
**D**i begen home balthasar schreib an di want  
**M**ane thethel phares was di schrift  
**D**o noch sal der mensche werden gericht  
**M**ane daz bedutet eyne czal  
**D**o bi man das vornehmen sal  
**D**az der selbe richter getzelt hat  
**A**lle vnse gute werk vnde alle vnse nissetat  
**T**hetel was di ander schrift  
**D**az an vnser czunge eyne wage ist  
**W**enne got der wil alle vnse werk wegen  
**V**nde noch dem gewichte wil her daz wider lon geben  
**E**ynes armen menschen phennik wider an der stunt  
**A**ls vil als des richen hundert tusent phunt  
**E**yne krume brotes sal do me wegen  
**D**i ane houbet swite ist gegeben  
**W**ende al der werlte golt gewegen kunde  
**D**az gegeben were mit houbet swiden  
**M**er wetet eyn pater noster gesprochen mit ynnheit  
**W**enne eyn ganz salter mit vordrossambkeit  
**P**hares daz was di leste schrift  
**D**o bi eyne scheidungge betzeydent ist  
**W**enne do sal werden eyne ewige scheidungge  
**W**enne di bosen gen in daz hellische ebgrunde  
**V**nde di guten in daz schone hymelriche  
**D**o si bliben sullen mit gute ewiblichen  
**D**o hen brenge vns der gute got allensamen  
**I**n secula seculor amen amen



Hy lizzit gotz  
das gerichte



Dy di keyne wynnige hatte  
getan. Di muze in das ge  
renkmisse gan

Diz sint dy wyze vinf niewroue



Diz sint di vinf thorechte niewrouen.



Balthazar

